

## ADJUNCTA.

No. I.

Lübeckische Belehrung ad Revaliensis.  
de Anno 1466.

**D**ominis Consulibus Revaliens. Erfamen vorsichtigen Herrn  
befundern guden Fründe. So alse gy uns hebben ge-  
screuen in eneme breue am Sonnauende Ascension. Do-  
mini negest vorleden gescreuen, inneholdende eyn ordel dat  
juwe Erfamheide in der twistigen sake twisfchen den bescheden  
*Richard Louenschede* myt synen Swegeren unde ziner Züster  
unde Broder wegen uppe de ene unde de Vormundere der  
*Holtbuseffchen* an de andern zyde van wegen der erffschich-  
tinge *Gerwyn Bornemans* seligen husfrowen uthgesproken  
hebben, begerende sulck ordel dorch uns to entscheidende unde  
juw unses rypen Rades schedinge unde delinge wedder darupp  
under unse Stad Secrete na older loveliken gewonheid schrift-  
liken to benalende. Aldus hebben wy uns myt sodanner sake  
uterliken bekummerd unde juwe delinge darupp gedaen vlti-  
gens angesehen ludende van worden to worden aldus. Der  
*Bornemanschen vulle Suster-Kind* zy neger erue wen er halff-Suster  
offt halff-Broder. Darupp guden vrunde geleue juw to weten,  
dat wy van sodayens vorscreuen ordels wegen na unseme rype-  
me Rade unde besprake affseggen vor Lub. Recht, dat halff-  
Broder unde halff-Suster sint neger erue to borende dan vuller  
Suster-Kind, so verne de vulle Suster unde vulle Broder van malkan-  
dern zyn gescheden. Syt Gode beualen. Screuen under unseme  
Secret. am Vridage vor Michaelis. Anno LXVI.

33

No.